


REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të nenit 12 par. 12.1 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr. 28 e datës 4 qershor 2008, nenit 19 të Ligjit për Gjuetinë nr.02/L-53, Gazeta Zyrtare e Republikës së Kosovës nr 8 e datës 1 janar 2007, nenit 8 të Udhëzimit Administrativ nr.10/2007 për kriteret e caktimit të zonave dhe procedurat për themelimin e vendgjuetive, Pëlqimit të Ministrisë së Bujqësisë, Pylltarisë dhe Zhvillimit rural për themelimin e dy (2) vendgjuetive të përbashkëta në Komunën e Lipjanit nr.85/2 i datës 07.02.2017 i si dhe nenit 20 të Statutit të Komunës së Lipjanit 1Nr.110-623 i datës 26.09.2008 , Kuvendi i Komunës në mbledhjen me 31. 07. 2017, pas shqyrtimit të propozim vendimit të Kryetarit të Komunës miratoi këtë

VENDIM
PËR THEMELIMIN E DY (2) VENDGJUETIVE TË PËRBASHKËTA NË TERRITORIN E
KOMUNËS SË LIPJANIT.

Neni 1

Me qëllim të shfrytëzimit ekonomik të resurseve në mbrojtjen adekuate të kafshëve të egra si dhe për sigurinë dhe standardin e etikës së gjahtarëve, me këtë Vendim themelohen dhe përcaktohen sipërfaqet e dy vendgjuetive të përbashkëta në territorin e komunës së Lipjanit.

Neni.2

Vendgjuetitë e përbashkëta do të mbajnë emrin: Vendgjuetia e përbashkët "LIPJANI LINDJE" dhe "LIPJANI PËRËNDIM"

- a. Vendgjuetia e përbashkët "LIPJANI LINDJE", me sipërfaqe gjuetie prej 11677.73 ha, dhe me sipërfaqe të përgjithshme brenda kufijve të vendgjuetisë prej 13358.73 ha,
- b. Vendgjuetia e përbashkët "LIPJANI PËRËNDIM", me sipërfaqe gjuetie prej 12146.29 ha dhe me sipërfaqe të përgjithshme Brenda kufijve të vendgjuetisë prej 19987.21 ha.

Neni 3

Vendgjuetia e përbashkët "Lipjani lindje" përcaktohet në hapsirën e përbërë nga pronësia publike dhe private e cila përkufizohet si vijon:

Linja kufitare e vendgjuetisë së përbashkët "Lipjani-lindje" kufizohet me: Autostradën "Arbër Xhaferi" duke filluar nga fshati Dobratin, Kumuna Graqanicë për të vazhduar përgjatë saj deri në fshatin Babush i Muhaxherëve. Vazhdon përgjatë kufirit administrativ me Komunën e Ferizajit dhe Zonës kadastrale të fshatit Babush i Muhaxherëve që lidhet në vazhdim me zonën kadastrale Gadime e Ulët dhe Gadime e Epërme. Vazhdojnë Zonat Kadastrale: Vrellë e Gadimes, Plitkoviqit, Sillovisë, Akllapit, Vogaqicës dhe Brusit përgjatë kufirit administrativ me Komunën e Gjilanit. Zona kadastrale e Brusit vazhdon përgjatë kufirit administrativ me Komunën e Novo Bërdës dhe Komunës së Prishtinës. Pas saj vjen

Zona kadastrale e Hanrovcit e cila kufizohet me kufijt administrative të Komunës së Prishtinës kurse Zona Kadastrale e Okosnices kufizohet me Kufijt administrativ të Komunas së Prishtinës dhe Graqanicës. Zona Kadastrale e Janjevës kufizohet me kufijt administrative të komunës së Prishtinës për të vazhduar me Zonën Kadastrale të Teqes e cila kufizohet me kufijt administrativ të Komunes së Prishtinës dhe Graqanicës. Vazhdojnë Zonat Kadastrale të Janjevës, Akllapit, Slllovisë dhe Smallushës të cilat kufizohen me kufijt administrative të Komunes së Graqanicës e cila bashkohet me pikën fillestare në Autostradën "Arbër Xhaferi".

Neni 4

Vendgjuetia e përbashkët "Lipjani perendim" përcaktohet në hapsirën e përbërë nga pronësia publike dhe private e cila përkufizohet si vijon:

Linja kufitare e vendgjuetisë së përbashkët "Lipjani-perëndim" kufizohet:

Fillon përgjatë kufirit administrativ të Komunës së Graqanicës me Zonat kadastrale: Livagjë dhe Gushtericë e poshtme për të vazhduar përgjatë Autostradës "Arbër Xhaferi" deri në fshatin Babush i Muhaxherëve. Vazhdon përgjatë kufirit administrativ me Komunën e Ferizajit dhe Zonës kadastral të fshatit Babush i serbëve që lidhet në vazhdim me zonën kadastrale Bablak dhe Tërn. Vazhdon përgjatë kufirit administrativ me Komunën e Shtimes me Zonat kadastrale: Vojnovc, Muzeqinë, Gjirkovc, Godanc i Epërm, Zborc, Pjetërshticë dhe Karaqicë. Vazhdon përgjatë kufirit administrativ me Komunën e Suharekës me Zonën kadastrale të Javorit. Vazhdon përgjatë kufirit administrativ të Komunës së Malishëvës me Zonat kadastrale: Lladroc, Senikë, Lladroviq dhe Tërpezë. Tutje kufizohet përgjatë kufirit administrativ të Komunës së Glllogocit me Zonat kadastrale: Nekocë, Fushticë e Poshtme, Fushticë e Epërme dhe Sankoc. Vazhdon përgjatë kufirit administrativ të Komunës së Fushë Kosovës me zonat kadastrale: Harilaq, Sllatinë e Madhe dhe Hencë. Vazhdon përgjatë kufirit Administrativ të Komunës së Graqanicës me Zonat Kadastrale: Radevë, Lepi, Skallanë dhe përfundon më Zonën kadastrale të Suhadollit për t'u bashkuar me pikën fillestare.

Neni 5

Në vendgjuetitë e përbashkëta në sipërfaqet në vijim ndalohet gjuetia: në zonat e mbrojtura të natyrës, tokave brenda 300 m nga vendbanimet, rrugët kryesore publike, ndërtesat dhe objektet të përcaktuara në nenin 24 të Ligjit për gjuetinë.

Neni 6

Vendgjuetitë e përbashkëta të përcaktuara me këtë Vendim do tu ipen personave fizik ose juridik në menagjim përmes koncesionit ose dhënjes me qera duke zbatuar procedurat e tenderimit përkatësisht ofertuesit publik konform dispozitave ligjore.

Neni 7

Përkritazi me dhënjën në menagjim me qera të vendgjuetive të përbashkëta Komuna dhe ofertuesi do të lidhin kontratë e cila do të përmbajë elementet e parapara të Nenit. 36, 37, 38 në kohëzgjatje të shfrytëzimit të vengjuetisë jo më tepër se 10 vite.

Neni 8

Ky Vendim hynë në fuqi 15 ditë pas regjistrimit në zyrën e protokolit të Ministrisë së Administrimit të pushtetit lokal dhe publikimit në Webfaqen e Komunës.

Me hyrjen në fuqi të këtij Vendimi shfuqizohet Vendimi i Kuvendit të Komunës për themelimin e vendgjetisë së përbashkët në territorin e Komunës së Lipjanit 1Nr.464-605 i datës 07.05.2009.

15Nr. 011-41558
Lipjan më 01. 08. 2017

KUVENDI I KOMUNËS LIPJAN

Kryesuesja e Kuvendit
Vlora Limani - Hajnuni

